

Nos hendenan SPECIAL

Edwin Tromp:

MAS CU 21 AÑA TRAHANDO RIBA TERENO BANCARIO

A cuminza como clerk y awe e ta Managing Director!

Redacta pa: Mercedes Abdul

DIARIO tin como invitado awe den su espacio "Nos Hendenan Special" sr. Edwin Tromp, kende actualmente ta Managing Director di First National Bank of Aruba.

Sr. Tromp tin 21 aña trahando riba tereno bancario di cual mas cu 12 aña el a traha cu Citibank y casi 9 aña cu First. Ademas e ta un guitarista bon conoci den nos comunidad.

Edwin a pasa su school basico na Colegio San Hose na Santa Cruz y su enseñanza secundario na Colegio San Antonio tambe na Santa Cruz.

Despues di school el a cuminza traha pa gobierno den Douane durante aproximadamente 9 luna.

"Despues di esey mi a bay Hulanda cu Trio Caribe unda cu mi a keda pa un periodo di 5 luna tocando na diferente lugar".

Mi a regresa Aruba y a cuminza traha den construcion hunto cu un amigo cu na Januari 2, 1975 mi a cuminza traha cu banco".

RIBA TERENO BANCARIO

Edwin ta conta con el a drenta na Citibank.

"Durante un entrevista pa un trabao na e departamento di "Banco Central" di Antiyas mi a worde recomenda door di Sr. Carlos Profeet Sr. pa no tuma e trabao ey den gobierno, pero el a recomendami pa tuma e trabao na Citibank unda e mes a introducimi na un tal señor Paris. Esaki a sosode na final di 1974".

Edwin a cuminza como clerk den Cuenta Coriente na Citibank y asina mi a recore diferente departamento, e.o. dpto. di transferencia, credito y "offshore bank".

"Tambe mi a traha 7 luna na Curacao como Acting Manager. Despues mi a bin bek Aruba unda mi a maneja e departamento di control. Na 1981 mi a worde asigna como e oficial di cuenta pa Citibank cubriendo Aruba, Curacao, Bonaire, St. Maarten, Guyana, y Suriname. Na cuminzamento di aña

1986 mi a worde nombra como director di Citibank na Aruba. Durante e mesun aña ey mi a bende e operacion di Citibank cu e actual Interbank.

Na April di 1987 mi a cuminza traha como Assistant Managing Director di First National Bank of Aruba. Na Mei 1990 mi a worde promovi como Managing Director.

Un di e experencianan mas agradable di mi carera ta tempo cu mi a traha como Oficial di Cuenta pa Citibank den e region, unda mi a asisti varios banco local y internacional cu nan operacion of mehoracion di servicio".

CUMINZANDO FOR DI ABao

Un di e ventahanan cu Edwin ta menciona ta cu el a cuminza traha cu un banco

Pa bo haci bo trabao bon bo mester por stima bo trabao. Si bo no gusta bo trabao bo no ta traha cu smak y consecuentemente bo no ta bay dilanti".

realmente chiquito, pero caminda bo por siña hopi si bo kier.

"Den mi carera trahando na Citibank nan a dunami hopi curso, training, una vez cu nan a mira e potencial cu bo tin y tambe cu bo tin e boluntad pa hacie.

Esey ta pone cu bo tin cu inverti hopi tempo di bo mes den e trabao".

Edwin a haci cursonan na Caracas, Miami, New York, Puerto Rico, Rio di Janeiro y na Aruba mes, y te ainda e ta asisti na cursonan sea local of den exterior.

"E cursonan tabata concerni mas tanto tocante bo trabao directo den e banco, sea ta

credito, accounting, y otro productonan bancario".


E hecho cu Edwin a cuminza for di abao y awe e ta ocupa un puesto di gerencia ta haci, na prome lugar cu e ta compronde e trabaonan mas simple pero tambe cu un hende trahando abao no por pretende cu e gerente no ta compronde loke e ta haci. "Definitivamente tambe pasando e proceso aki e ta dunabo un mehor comunicacion cu e personal cu bo tin na bo encargo".

MOTIVACION

"E ta un hecho cu si bo pone bo tempo, bo gana di siña, bo gana di traha, bo por yega na haci un bon carera. Ora cu bo cuminza abao hopi biaha bo no tin aspiracion, pero trahando bo ta ripara ki bo ta haci bon y riba esey bo tin cu capitaliza".

Tambe ta asina cu e ambiente laboral y e interes di e gerencia di e tempo ey a hunga un papel masha importante mes den e carera bancario di Edwin Tromp.

"Si un gerencia no tene cuenta cu e capacidad di su trahadornan hoben y no ta yuda nan bay dilanti, e



mente un bez pa luna. Ademas mi sa toca pa handicapnan na Ambiente Feliz, entre otro".

Edwin ta bin di un famia di musico, y den e famia tin diferente persona cu ta tocadador di un of otro instrumento.

Tambe ta asina cu na 1992 Edwin Tromp a sali elegi como "Boss of the year".

CONFIANZA DEN E SECTOR ECONOMICO

Como bankero Edwin ta envolvi den e economia di Aruba, y como tal e ta mira esaki den un rumbo positivo.

"E banconan ta funcionando di un manera hopi sano ya cu Banco Central di Aruba tin hopi control riba e banconan comercial, loke ta bon tambe no solamente pa e banconan pero tambe pa e number di Aruba.

E conducta aki ta pone cu

inversionistanan sea local y/of stranhero ta sinti nan mes comodo pa haci inversion den nos pais, loke ta yuda hopi pa e economia di Aruba sigui bay dilanti".

COMO CIUDADANO

Edwin su preocupacion como ciudadano ta nos hubentud.

"Mi ta pensa cu nos hubentud mester haya un mehor guia, pa cuminza na cas, y igualmente na school, pa prepara nan mes pa asumi un responsabilidad laboral den futuro.

Pa mi, nos hobennan mester haci nan best y tambe nan mester ta willing pa inverti tempo una vez cu nan drenta den e proceso laboral.

Pa bo haci bo trabao bon bo mester por stima bo trabao. Si bo no gusta bo trabao bo no ta traha cu smak y consecuentemente bo no ta bay dilanti".